



Republika e Kosovës
Republika Kosovo - Republic of Kosovo
Kuvendi - Skupština - Assembly

Legjislatura VI
Sesioni pranveror

Kryesia e Kuvendit

P-039
Prishtinë, më 26 korrik 2018, në orën 12:00
Ndërtesa e Kuvendit, salla C-301

PROCESVERBAL

I MBLEDHJES SË KRYESISË SË KUVENDIT, E MBAJTUR MË 26 KORRIK 2018

Në mbledhje morën pjesë: Kryetari i Kuvendit, Kadri Veseli, Xhavit Haliti, Aida Dërguti, Slavko Simiq dhe Mufera Srbica-Shinik, nënkryetarë të Kuvendit.

Nga grupet parlamentare: Memli Krasniqi, Dardan Sejdiu, Ahmet Isufi, Bilall Sherifi dhe Allbert Kinolli.

Në mbledhje ishin të pranishëm:

Nga Kabineti i kryetarit: Blerand Stavileci, Avni Bytyçi, Gazmend Krasniqi dhe Valmir Klaiqi.

Nga Administrata e Kuvendit: Ismet Krasniqi, Xheladin Hoxha, Sali Rexhepi, Shefki Shoshaj dhe Musli Krasniqi.

Mbledhjen e drejtoi Kadri Veseli, kryetar i Kuvendit.

Kryetari e hapi mbledhjen dhe i njoftoi të pranishmit se në vazhdimin e seancës plenare së sotme, më 26 korrik 2018, nuk është përfunduar asnjë pikë e rendit të ditës, ngase të gjithë deputetët që janë të pranishëm në sallë nuk po votojnë.

Ai i propozoi që seanca plenare t'i vazhdojë punimet sot, si dhe secila pikë e rendit të ditës të vihet nga dy herë në votim, nëse nuk ka kuorum të mjaftueshëm për vendimmarrje herën e parë, si dhe të vazhdohet me debatin parlamentar për dialogun me Serbinë.

Në lidhje me propozimin e lartshënuar të kryetarit të Kuvendit, diskutuan: Xhavit Haliti dhe Aida Dërguti, nënkryetarë të Kuvendit, si dhe Ahmet Isufi, në emër të GP të AAK-së; Bilall Sherifi, në emër të GP të Nismës Socialdemokrate; Dardan Sejdiu, në emër të GP të PSD-së dhe Memli Krasniqi, në emër të GP-të PDK-së, diskutimet e të cilëve janë dhënë në transkript.

Në fund, Kryesia vendosi unanimisht që seanca plenare e Kuvendit t'i vazhdojë punimet sot, më 26 korrik 2018, dhe secila pikë e rendit të ditës të vihet nga dy herë në votim, nëse nuk kalon herën e parë dhe pastaj më të mos rikthehet në të njëjtën seancë, por të shtyhen për seancën e radhës, si dhe të vazhdohet debati për dialogun me Serbinë.

Kryetari, e mbylli mbledhjen e Kryesisë së Kuvendit në orën 12:45 minuta.

Kryetari i Kuvendit
Kadri VESELI

*Procesverbalin e hartoi:
Drejtorja për Çështje Plenare dhe Procedurale*